



衢謠徵實集卷四總目

五言古

朱定業

馬玉

成弘綸

陶元運

張天翥

戴應霖

張利仁

錢玉璠

竇朗

七言古

周在亶

張聖啟

張天翼

熊際泰

陳衍

黃之孝

吳棟

李迪



王悅 保弘猷 王予導 保弘謨

保五益 王孫邵

雜言古

陶元運 鄒琦

五言律

保玉躬 魏挹葵 鄭勳 周培

徐卿鳳

七言律

姚時起 張擢士 凌孫有 王生正

馮樹二首 保珽 李敦倫 丁腹松二首

張聖啟 包琰 張天翼二首 馮京捷

錢濤 陳衍 鄒學禮二首 丁嘉惠二首

程世綖二首 孫湛 孫師濂二首 王予維

周坦 夏寬 朱德麟 范國祿

李玉鉉 吳泳 單有鼎 通成美

曹錫鉞 薛彬 錢世濟 戴登庸

王雙鳳

方震

黃之文一首馬一首韓

張利仁二首

姜駿聲

戴一首邵一首幹

五言排律

周在直

李雍

程瑞初

崔揚

袁杏

王名臣

曹應聯

王擢亮

釋明暹

七言排律

袁性

戴庚吉

張纘說

五言截句

黃雲

二首錢文璧十二首

六言截句

張金枚

七言截句

丘園卜二首徐石芝

介眉序

李栴

張擢士

論蝗文

楊字奇

蝗不傷稼論

楊字奇

祈雨記

楊字奇 三篇

詩引

馬玉

徵詩啟 附刻

邵幹

衢謠徵實集卷四

揄揚輻輳之謠

五言古

宋定業

吳甥寓書來貽我數卷詩詩自衆口出衆口維一  
辭赤子嬉懷中競言父母慈衿佩樂教育鋤耒誇  
恩施廛市靜不譁井里繁以滋蓄洩順地利燮調



佐天時詐侈抑末俗淳儉躋至治飲食與教誨惟  
公實兼之 聖主恤民隱慎簡良有司屏風

記姓氏超遷越階資五狼謳歌聲颯颯徹 玉

墀指日不次擢以為諸吏師牽裾繞膝者安得長

攜持獨留擊壤歌諷誦招來茲棠苗不可作嗣徽

良在斯讀竟三歎息慨然神為馳援筆賦長謠公

好非阿私歸遺州人士永與金石垂

馬玉

讀史慕循良於今親見之吾得吾 周公深慰夙

所期承家本儒術燕翼溢江貽至性以示人澹然

無激隨經猷既已裕張弛信所為興革數大政視

彼風土宜造化握其手天地不能私當年臥理者

風流宛在茲微吾 公之故此心安肯儀試看宮

墻中紛紛桃李枝

成弘綸

從東門來一犯木囊首云是白闖賊此案亦常

有不復問其詳直向河干走路經觀音山歡聲徹  
童叟停步一聽之綸亦感 太守山傍一農家家  
中宴道友有一裁冠者舉止甚不苟隨緣畱一齋  
驀地攫衣篋農家怕支離吞聲亦已久一日質于  
典捕快尾其後人物兩可憑細供本犯口卽令押  
贓還飭皂勿掣肘旣未耗一文復未費杯酒始終  
不出門失物俱到手其賊責且枷失主知之否有  
事若無事綸亦感 太守

陶元運

東南山水佳巍巍五狼起我

師乘運來干城今

獨倚卓哉天下才治劇談笑耳經濟裕于胸化成  
有所以溫肅總因時叅得化工理萬戶坐春風鼓  
腹歌樂只頌颺亦何窮龔黃未必爾吾道荷幘幪  
斯文有所砥何幸樗櫟材亦得側桃李窳薄銘恩  
施傾葵不在紙躋堂一稱觥瑞靄芙蓉紫竚看下  
丹書 臨軒動袞美懸符入省郎袍笏天香裏



張天翥

分符牧東海遠近咸忻然簪纓本華胄丰格因翩  
翩循良數第一繁劇能仔肩善政難屈指惟將大  
者傳黌宮事修葺義學添書筵春風鼓多士課藝  
程七篇薦拔在真賞单寒戴二天 聖諭勤講  
讀道鐸爲陶甄民無差役苦戶戶得高眠禱雨雨  
旋注驅蝗蝗遠遷積貯恒減價枵腹羣爭先更念  
瘡痍色施藥與之前煎俗尙浮夸者而多懲創焉且

也燭詐僞畏法不敢前且也警刁惡儼若懲其愆  
士民慶樂業饑饉逢豐年 公應頌豈弟無愧茂  
叔賢只虞 壘書至調鼎歸日邊

戴應霖

清時簡賢俊慎選惟循良雖爲一郡牧實以模四  
方在古稱召杜更或頌龔黃於今覲我 公前後  
遙相望下車逾十載鼓絃煩更張有利無不興有  
害靡弗匡咏歌竟何罄聊爲申賡颺學宮鞠茂草

崇茲數仞墻城闕有子衿振勵工文章木鐸警道  
路 天語重琳瑯差繁塞弊竇無復悲七襄壺  
漿蒸髦士顏色親田傍甘雨應祈禱秉畀去飛蝗  
饑民紛滿目賑穀屢發棠災眚或時有延醫療其  
傷旱潦或不齊蓄洩慎其防權量亦所謹畫一乃  
可常幣鈔多詐僞風清凜若霜靡費懼難繼敦素  
戒猖狂羣鬪恒惕息法立無相戕和氣格天行四  
野繁農桑是物皆得所樂郊恣徜徉政美不勝書

撮舉先大綱百族感德澤朋酒競躋堂輿情播謠  
諺鄙語發張皇太史時采風行看聞 廟廊

張利仁

昔人重民事願有良有司有司知一邑邑亦未易  
知如 公真不偶雲霓慰所期天心祚吾邑於身  
親見之藹然真愷悌高潔比霜枝化成于道久十  
載恒如斯爲政何畫一規條每堅持至德相氤氳  
日益而不知閱覽諸史傳如 公真我師如今值

華旦躋堂亦陳辭聊以佐霞酌還看

綸詔時

錢玉璠

天地大覆載事無公與私人情感天地偏各舉所知通邑祀前牧舊有賢宦祠久爲兵廝占我公拒飭之通邑有學租辦納苦額虧我公墾荒地那措以補之通邑洲糧弊每有絕戶遺灑派累公墊我公剔除之通邑市河水屢濬屢阻尼我公展大力永久疏通之市河通血脉公墊免呼追

學租豁脾累宦祠畱追維通邑食福澤托庇於萬斯不知爲之者捐俸弘德施小人念祖緒桑梓樂利貽允有芻蕘議我公咸諏咨邇聞歌善政聊爲補闕疑願于賢宦內爲公增一碑

竇朗

紫琅彈丸邑僻處東南隅良楛性不齊醇澆俗各殊民風與士習積久非古初茂叔來三韓漸摩十載餘善政難枚舉仁風素所孚雅意在文教黌宮

費拮据春秋虔祭祀義學儲生徒每試必公慎薦  
拔無遺珠朔望勤講約繁苛永革除吞蝗格上帝  
禱雨責苞苴賑粥濟饑民施藥功不居濬川兼築  
堤澤豈在須臾立禁清詐偽詳請活窮廬嚴錠杜  
刁頑平量飭欺誣靡費誠可惜浮浪亦堪吁痛懲  
以禁止此功更孰如士林咸感戴蒼赤各沾濡名  
父而杜母此言良不虛

七言古

周在直

聖門能事四科悉我 公有之合而一久於其道  
斯化成萬口碑傳至意出古人慮始更善後心苟  
倦時才亦紉龍馬精神父母懷十一年來如一日  
道人木鐸豈具文 天語叮嚀總堪述宛轉周  
詳宣諭頻萬姓伏膺期弗失催科不尙繭絲能撫  
字心勞置諸膝忽然雲霧肆欺蒙風刀快剪雷霆  
叱長鯨短蜮總褫魂山鬼潛踪神暗泣年來憂旱

禱親行衣塵不浣巾不櫛隄防涵洞蓄洩宜春潮  
一股流香秫延醫施藥力回天賑粥療饑心若佛  
民安盜息健兒閒江上無庸吹感策淮海波濤正  
可憐鳩形鵠面寒風凜皆是赤子極不堪繪圖費  
盡丹青筆天惠吾民久賜 公吹豳擊鼓獲稔程  
年豐因得修禮儀歲歉何愁拾橡粟只今四野遍  
桑麻豁埒均賦無時逸食不以時用復奢所入已  
耗十之七我 公下令決如流春燈無火龍舟匿

月明淡巷犬不驚夜靜何人恣游佚衡平斛滿市  
皆同想見吾民三代質道旁翩翩誰是兒讀書義  
學賓筵秩我來五載忝師資如 公方是真師帥  
宮墻無處不鼎新嗟峨殿廡光華霽泮池疏濬水  
漣漪肅穆堦除几髹漆桃蹊李徑挺千章玉戚朱  
干舞六佾化雨飛來草木滋不重春華重秋實  
公之經術本濂溪故于斯文尤盡力龔黃治績可  
比肩田趙芳規不相襲清風兩袖高天知會有徵

書求輔弼 公登輔弼可奈何江北淮南誰是則  
張聖啟

名勝傳聞醫閭山中有賢哲生其間 夫子毓秀  
真挺出早年英譽高人寰宦遊淮西十餘紀井邑  
謳吟盈篋笥又爲吾郡起瘡痍並入胞與無異視  
睿慮愛民重循良特借敷澤海濱鄉優游三  
年成臥理不讓汲黯之淮陽頌簡公庭金矢沒官  
舍寂靜意自得捲簾一片花影清春風座上呼浮

白搜羅名士各逞奇拔十得五良所宜啟以不材  
忝門下幸免點額 公成之噫嘻仁聲肆應人歌  
頌巷舞衢謠何其衆吏治近古可方誰當日龔黃  
堪伯仲

張天翼

福星一道仰循良雙旌五馬夾道長下車伊始正  
倫常翼也淡叨旃幃光昭穆分明覆 憲詳不然  
逆亂無三綱此德千秋永不忘口碑勒矣還心香

更有種種治化彰把筆細譜盈青箱文教聿興新  
廟廊養育羣材儲珪璋講讀 聖諭以爲常化

民善俗誠有方勸督殷勤惟農桑永無差役民樂  
康卽或水旱尤皇皇步行禱雨兼驅蝗下河口決  
多流亾者糜賤糶真樂邦調和大手 公醫王捐  
俸施藥消災殃憂樂與其何慈祥奈何頑梗猶獷  
狃華靡酬賂多狹塲市棍縱橫爭逞強訟師駕謊  
筆鋒張 公皆痛懲使潛藏老幼嬉嬉樂未央而

今德化歌汪洋而今疾苦忻春陽而今奢侈不得  
將而今豪暴難跳梁士沾沐浴器琳琅野多庇蔭  
依甘棠盡道 使君是杜羊又道 使君是龔黃  
璽書拭日紫鳳翔萬世咸稱 周五琅鶴髮  
老人心更狂竊願永駐此江鄉非阿所好工掄揚  
鼓腹擊壤追陶唐

熊際泰

傳聞遼左開疆當海關遙遙松杏二山峙其間維

時名世應運起 公家附鳳親 天顏先後元  
老接踵出濂溪風教還可攀我 公分符涖崇水  
東海霧氣驚回紫千門一日驅愁雲甘棠遺愛將  
復爾空釜游魚入長江窮鄉編戶歌孔邇徧地桑  
麻物自春况多化雨開陶鈞葺理黌宮植桃李殿  
廡處處忻鼎新簿書撥棄勤課士拔十得五收席  
珍撫字栽培近一紀農歌鼓腹儒醉醇種種善政  
多嘉聲屈指前賢今更生楊公清白趙簡易張君  
修堰召勸耕嚴摧豪強耿扶弱廖戒侈靡韓寬程  
更有均徭賴居正里呼予佛何尊榮維 公嗣之  
一身足崇川百里俱受福禾同穎兮麥兩岐蝗不  
入境兮雉馴熟漏分明今夜徹遊紡聲書聲相接  
續五山翠彌天四境無烽烟雞犬不驚獄生草篝  
車滿載多豐年獻書爲報 九闈上 御屏  
姓字應高懸

陳 衍



淮西先我食 公福涖任奏績三年足銓部於通  
如有私特送南來作民牧數年割肉醫其瘡二月  
新絲五月穀我 公容人政不苛慈和未忍加鞭  
辱晝勞撫字夜爰書愛人君子心尤薦菁菁者莪  
頌作人門前桃李欣紛簇仁風肆好化大行士有  
文章民菽粟眼前俗吏雞犬驚赫赫威名轉多欲  
誰似我 公冰雪襟萬頃漣漪清可掬我躋 公  
堂上 公觴微忱種種將焉祝狼峰獻頌效華封

三多九如更堪續

黃之孝

我公盛世之祥麟天上誕降來海濱下車便念窮  
鄉苦勤驅五馬時駢駢襟懷朗映狼峰月清比澄  
潭照鬚髮各聞 九閭褒嘉之三命牧州聲益  
揭迄今涖治十餘年赤子依依衆母前美以多端  
難盡述頌言已籍口碑傳 公能下士士皆喜不  
棄樗材蒙倒屣素沐恩波何太深寒家久住薰風

裏人從雪後乃知春不遇芝蘭不覺馨如此名兮  
如此杜頌之不已心堪銘感 公高義非虛假下  
交真是忘形者矧予終歲半風塵福庇何殊萬間  
厦鶯聲上苑且停遷願樂薰風解愠絃予挾鉛刀  
思一割猶慚鹵莽試烹鮮看花若縮河陽勅 公  
可爲師政可式私心企慕竟何窮賡颺聊費隄糜  
墨

吳棟

五山屹立江之濬江水澄泓山益尊我 公之清  
宛如水其爲介也石足擬崇川萬戶沐恩膏懽聲  
何待躋堂起君不見生申恰在申月中彩雲可駕  
錦可縫小子北上遲遲意願隨父老祝我 公又  
不見江水東注卽海屋熊軒高擁五山北山也水  
也亦多情一如大壽一如福

又

三韓大半鳴珂里元公之裔恒雀起彼蒼有意福

我邦惠政真難更僕紀霏霏膏雨足稻梁藹藹春  
風噓桃李德輝高映狼五山恩波濼注泮池水躍  
冶之金入爐錘我師欣欣而色喜旁觀道路且  
賢之沐其恩者可知已寸心何以答高深仍從燈  
火研經史敢期他日鷓鷯班依舊追隨吾夫子

李迺

狼山秀聳中龍起占星望氣遙相指更得循良蒞  
此邦此邦人士咸忻喜君不見丹雘黌宮快鼎新

先師靈爽格精禋肅陳俎豆馨香遠物色人  
文藻鑑神琴堂靜理清風穆飼鶴惟分養廉粟案  
牘雖煩聽自虛片言而折皆心服又不見義學薰  
陶子弟良郊行耕歛省來忙我公教養洵多法  
禦旱防堤更有方權量均平靡費屏潮銀私鑄頻  
申令施藥還期藥性和育嬰定活嬰兒命賑饑捐  
俸不躑躅鄰邑流離頌載途禱雨驅蝗天意挽回  
疇歲歲稻梁餘一十六條遵聖諭耳提面命

公親與便民仍舊是均差善政陰行天眷顧天  
眷顧今政愈勤治平第一 詔溫文崇班疊晉新  
猷展霖雨蒼生天下聞

王悅

周官六計弊羣吏克兼盡者鮮其人獨有吾通  
周刺史尋常司牧難比倫維 公之廉廉以善化  
民成俗功非淺庶幾蜀郡漢文翁黌宮子弟皆爭  
羨維 公之廉廉以能坐理繁劇任堪勝傳說當

年李上谷才氣無雙茲復稱維 公之廉廉以敬

敦修學校崇 先聖迄今嘖嘖伏常山得 公

繼踵儒臣並維 公之廉廉以正不與強禦由至

性舍狸問豺張廣陵埋輪遺烈森威令維 公之

廉廉以治朝朝案牘無留事十郡之晁顏雍州始

知有一復有二維 公之廉廉以辯僉仰神明能

訊讞平反冤獄袁臨安佛子呼名今戀戀六計備

具賢聲聞天下循良推使君美政冠以一廉字明

月泉上流芳芬猗歟 公之德亦已久 公之恩  
真不朽願 公常借福斯民歲歲年年良太守

保弘猷

地僻民貧惟紫琅誰起瘡痍俾樂康天賜我 公  
惠一方頓令赤子頌甘棠 公之治行誰足方名  
父杜母兼龔黃仁政歷歷德音彰聊舉大端口碑  
揚首里均攤安懦良威聲遠播推強梁催科中飽  
時提防羨餘嚴革敷慈祥崇文先葺泮宮墻餘祠

次第增輝光捐俸賑糜飽流亾出貲育嬰活難量  
完成婚配謀衣裳延醫施藥民不殃有時修築圉  
城隍有時疏濬溉稻秧有時水旱急祈禳虔誠直  
欲呼上蒼有時夙駕課農桑士女謹呼盈道傍卽  
今士子工文章大會頻開教育長義學况復設於  
鄉村村稚齒抱書囊似茲數者已難忘餘非累幅  
所能詳我 公鐵面真嚴霜我 公愛民又熱腸  
茲屆新秋酒正香酌彼康爵躋公堂欲頌 公壽

壽無疆請公看取南山之巍巍東海之洋洋

王予導

維茲崇川僻處大江隈竊荷我公補天浴日之  
奇才士農凋殘多所賴羲皇風俗旋復開父老歌  
誦懽聲起兩袖清風挹江水今向公堂祝萬壽  
錦繡芙蓉秋色裏幸蒙培植忝門墻日飲醇醪心  
醉矣

保弘謨

大江以北五山連邑有循良戴二天循良蒞此十  
餘載屏題姓字治聲傳加意崇文學宮葺庀材鳩  
工不遑食魏峩廟貌一時新 刺史功高足華國  
廣開義學繼濂溪貧子亦自有雲梯賢哉如傷若  
保赤禱雨驅蝗到日西更難事事總關切疏通水  
利隄防設龍舟火樹禁奢靡銀錢升斗奸欺絕君  
不見哀磬鴻鴈失所歸賑糜平糶療其饑又不見  
天災流行良可恤育嬰施藥心如佛誰謂龔黃非

卽公兩岐五袴將無同遍野桑麻樂利弘滿門  
桃李披春風九重特賜璽書下用嘉乃績無  
其亞不次超遷頃刻間通人還望寇恂借

保五益

南極紫虛光蓬瀛扶桑天階懸長庚乾坤煥然大  
文明壽域八荒貫元精仰瞻俯矚闕深閱天綱四  
維闡帝紘誕敷德教賴清卿保茲元元先遂生以  
心爲田以禮耕源源本本由性情春郊瑞麥覆華

平十年美政誰與京千笥萬箱敘嘉聲郊野歌頌  
闕考成五色雲芝瑞靄晴何異崑崙十二城江上  
芙蓉盡向榮爭獻醞醪繞丹楹惟嶽降靈通神明  
華封致祝侑瓊英

王孫郤

君不見五山歷歷拱江邊民開萬戶高枕眠君不  
見洋洋大海跨南北菽粟魚鹽稱樂國爾我何緣  
享太平官似冰霜吏無墨仁風化雨滿膠庠時時

郊行問耕桑公庭朔望勤講約救荒能開常平倉  
王晦叔張中庸千載得奇逢願勒美政狼山峰施  
藥延醫捐廉俸禱雨驅蝗格蒼穹岬民賠累爲請  
豁斗斛澄清市上風俗洗鉛華還澹泊農解耕田  
士力學桑無附枝麥兩岐媲美漁陽猶綽綽着五  
袴衣重裘十年沐浴誰之休實惟民之父母 周  
雜言古

陶元運

知我師者有幾哉但看剖符涖土秋霜春雨十年  
來何曾枉者縱何曾良者摧何曾覆一戶何曾冤  
一孩鏡徹玉壺福星朗琴調竹閣慈月開似此操  
割真良材怪得時和年豐物俱阜村饒香稻鴈不  
哀

鄒琦

崇川之山山不高崇川之水水滔滔民生其間貧  
且懦畝畝衣食空蓬蒿從前未必無良牧補偏裨



弊稱勤勞鬻宮鞠茂草文獻因以凋令典誰整飭  
百苦叢差徭井疆爲之困饑寒長哀號災疫日洊  
至川壑驚風濤詐僞且紛起市風亦漸澆窮黎冤  
莫雪靡費習不消刁頑踵相接浮浪臂相交屈指  
數殘缺尸位其孰逃一自下車來茂叔爲民爲國  
無昏朝鬻宮丹雘肅景仰廣開義塾培英豪課士  
精嚴秉衡鑑宥教蘭蕙雜艾蕭常宣  
聖諭苦  
三復教孝教弟弘甄陶徭役捐除不復設人人五

袴爭謳謠靈雨旣零馳風駕桑田稅處皆恩膏每  
遇凶年民乏絕俸米賑貸安嗷嗷良藥苦口利于  
病設局調劑春滿郊築防開洞引江水旱潦無憂  
蕃黍苗市上青蚨及白鏹往來貿易無低潮量衡  
畫一鈐以印何嘗出入差絲毫詳請冊糧豁胥累  
窮簷小戶俱逍遙火樹龍舟悉嚴禁百堵樂業財  
將饒刁風何處不斂手魑魅魍魎人不遭游手游  
食請安坐樗蒲陸博宜暗發善政種種與前異課

有真集 卷四 三  
最議遷遷應超愚託宇下居蒲鎮一枝安穩棲鷓  
鷓回首竊憶循吏傳二天之戴仁如堯况復法寶  
古殿圯佛身莓苔嗟無聊公爲捐金議興復庇  
民更藉龍天高猗歟休哉公之功德聳絳霄  
五言律

保玉躬

讀徧循良傳如公未易論婆心勞撫字鯁骨絕  
攀援庭有魚懸迹河多虎渡痕書生容懶慢鼓腹

臥江村

魏挹葵

地僻思良牧公來却恨遲推恩民亦子學道父  
兼師美譽追三異清操凜四知許評何所據輿頌  
有新詩

鄭勳

系分閩洛後清節已多年最愛岑君好尤歌杜母  
賢三冬沾化雨百里足炊烟只恐新恩至霓旌遠

九天

周培

一曲瀕江地東風千里來  
閒庭馴野鶴空甌拂塵埃  
露滴黍苗潤春回桃李開  
坐看明月滿歸浦舊珠胎

徐卿鳳

泰山欣在望瞻仰自無涯  
壽介三春酒香飛百里  
花琴聲彈白雪鶴影踏青霞  
最愛江城畔循良景

象嘉

七言律

姚時起

天生當代扶輪手得借花驄  
豈偶然四野同聲稱實政  
萬家沾化樂豐年明如水  
鏡涵秋月清傲水壺映碧川  
豈但循良超歷守古今  
茂宰更誰賢

張擢士

六年再上天官考江左循良  
獨擅場玉尺端嚴披

晦霧水壺湛滿映清霜勤劬只爲斯民瘁怙冒何  
期衆口揚大有逢秋新入頌神君感名壽無疆

凌孫有

萬家齊在太和中共說仁風披拂同初夏勸農知  
惠溥清秋納稼慶年豐偏因守分栽培久自是忘  
形德意通此日嵩呼人盡樂南山瑞色映簾櫳

王生正

頻年撫字最勞心致有謳歌播好音田垌復滋郇

地黍江城還作傳巖霖催科不擾琴堪撫訟獄常  
清草自浚循吏由來難槩見漢京濟美只而今

馮樹

司牧於今幾見良絃歌此地政聲揚催科獨緩絲  
增貴惠澤宏敷粟更香化雨繽紛連海國甘棠蔽  
芾近宮墼壘書不次恩綸至姓字屏風列

帝鄉

又

治世須逢卓異才十年真幸我 公來推恩自覺  
春風滿別弊猶如旭日開明決片言無滯獄經權  
庶務有清裁壘書慰勉 綸音重勲業行看列  
上台

保 珽

稱觥尤喜值年豐總是神君拜禱功麟紱恰當陳  
果後雉馴還見樹棠中漁歌牧笛雍熙日戶誦家  
絃肆好風郵置賢聲傳 帝里壘書褒美自殷

隆

李敦倫

袞衣蕭灑洩崇川匝地懽稱 太守賢雨浥紫琅  
歌麥穗風生碧海憶桑田論交醉引三吳士把袂  
香聞六月蓮自愧釣鰲成浪迹漫將俚句達戔戔

丁腹松

仲遠才華自古難循良聲價滿江干重城雨潤花  
光艷內署琴調鶴夢安好向琅峰鐫德政聞從瀚

海砥波瀾爲慚數載風塵客擬報涓埃只寸丹

又

競向高秋獻壽卮國人羣頌衮衣詩盤中玉露承  
仙掌江上光風照畫旗十載惠麻真牧伯千秋大  
業是吾師已知愷澤皆元氣不必靈巖掇紫芝

張聖啟

春風桃李沐清暉樗散空慙抱十圍公瑾飲醇心  
自醉子房納履教難違御屏姓字傳高署輿

頌懽忻慰遠歸

時啟自  
都門回

白鹿夾車江海上執鞭從

此日依依

包琰

福星海國慰蒸黎更有奎光共斗齊半水溶溶霏  
化雨一珠冉冉躍神霓淮西佐理原游刃江北專  
司亦割雞治行懸知推第一 璽書好向漢京

攜

張天翼

我 公年少獨忘機 許渾 金印垂鞭白馬肥 盧綸

四海昇平耆舊見 羅袞 一門清白古今稀 李中文

翁勸學人應戀 薛能 劉表為邦客盡依 許渾 海內

芳聲誰可並 方干 蚤將佳句動京畿 戴叔倫

又

偶奉綸音蒞旭川 劉兼 恩加章綬豈徒然 白居易 到

來惟飲長溪水 方干 入用還推間氣賢 范咸 德望

舊懸霄漢外 姚鵠 勲名盡得國家傳 張籍 觀風共

美新為政 崔峒 獨有東南戴二天 方干

馮京捷

漢吏循良第一流 銀章新佩古崇州 懸魚更說羊  
興祖騎竹還迎郭 細侯好月攜來明似晝 清風坐  
入淡于秋對 公自是宜心醉滿引醇醪慰所求

錢 濤

春和釀雨澤無涯 呂字城中樂事賒 報國獨知盟  
白水壽民何必藉 丹砂嚴除害馬功 偏遠盡起枯

魚德倍加化日舒長惟鼓腹一尊山閣醉烟霞

陳衍

三韓世胄舊家聲五馬於今有令名清映玉壺冰  
更潔頌浚江國袴同賡已知桃李春風暖還喜門  
墻化雨傾此日華筵開壽域輝煌南極照重城

鄒學禮

奕葉金貂上苑游幃帷小試蒞崇州名高冀北無  
雙美績著江東第一流簾捲青山宜拄笏地鄰滄

海恰添籌士元百里渾閒事佇看徵書出鳳樓

又

御屏名列五雲邊海國今當借寇年黃閣聲華推  
世胄玉堂詞賦美家傳談經客散閒調鶴問字人  
來聽煮泉慚愧摳衣門下士長春進酒集瓊筵

丁嘉惠

移來五馬屢經年海國欣欣得二天鼓動早衙人  
抱牘香焚夜座鶴窺筵萑苻不警停馳檄穗秭齊



登感稅田報政方當時未艾稱觥欲頌蓼蕭篇

又

曉清案牘晝看花爲政風流韻致賒試士雙旌臨  
學舍勸農五馬馭星車股肱當代二千石卵翼斯  
民十萬家最是寬平無一事署門遙對晚山斜

程世綬

十年作牧大江濱厚澤涵濡萬戶均賈父慈收林  
巷棄白公渠漑黍苗新征徭斲革農安枕芹藻香  
生士席珍更喜狼山佳氣勃人人共樂太平春

又

由來善教得民心應有謳歌徧士林鐘釜無偏王  
制肅鉅筮不設詭謀沉縱然桑海多遷變自爾胥  
徒不妄侵戶蕪片香祈久任釐看增秩賜黃金

孫湛

其沐深恩已十年於今比戶盡懽然申明 聖  
諭人倫重潤色黌宮德教宣秦鏡高懸平訟獄義

倉久設拯顛連仁慈普徧風聲洽閭里謳歌勝管  
絃

孫師濂

幾年聲譽起廉泉海國忻逢太守賢甘雨棠陰  
生道上惠風竹馬繞車前訟庭不擾人無枉案牘  
多閒吏是仙報政循良先造士樗材竊喜鑑高懸

又

福星天上映輕輶特向崇川駐節旄早識才猷是

經濟先將撫字試賢勞三冬化雨均恩澤千載清  
冰勵節操補袞  
聖明知有日太平玉燭待

公調

王予維

春雨春風德意溫幸同桃李列公門五山欲作岡  
陵頌十載難忘愷悌恩戶戶口碑先竹冊人人心  
版勒江村循良姓字高題久拭目  
褒章下九

閣

後實集 卷四  
周坦

小隱溪山久避名遙聞仙吏播芳聲  
三春雨潤看花發百里風清對月明  
伊呂宏才驚薄海趙張異績動神京  
松牕捉筆權無極徧採謳歌爲勒銘

夏寬

福星高徹五山東大地絃歌頌我  
公培植人文桃李笑芟除巨猾  
莠稂空桑沉白浪風能起鴈集  
寒原日正烘更喜催科多撫字  
萬家樂業井疆中

朱德麟

名題屏柱五雲邊報政爭誇似潁川  
庭少寃民容鶴舞座無熱客伴  
琴眠拳帷巡處花迎屐載酒田  
時柳拂船兩世忝稱門下士  
荷衣羞澀拜堦前

范國祿

居官廉潔愛斯民仰洽天心見撫循  
况爲嬰兒資養育更令士子受陶甄  
棠陰遍沛五山雨芝宇常含萬物春  
課最只今推上上竚看名姓動

楓宸

李玉鉉

安劉偉業迄今存  
水木相沿甲第尊  
聽入弦歌連比戶  
培成桃李滿公門  
簿書氣靜梅花署  
烟雨香濃柳葉村  
憑得庾樓耽嘯咏  
五山江上月華屯

吳泳

家世汝南著績新  
歷年司牧浴冰輪  
清廉品在崇川上  
惠愛恩流薄海濱  
白鹿雙輪曾霑雨  
紫琅萬戶盡生春  
宮墻數仞瞻依久  
早卜褒章下玉宸

單有鼎

露下天高秋氣清  
熊軒朝拂慶雲輕  
恩敷雨露隨時沛  
度比山河應數生  
製錦才高歌父母  
字人心苦運神明  
仁壽域中無不納  
獻芹野老亦含情

通成美

銀濤雪浪望洋洋  
坐對澄江興欲狂  
合浦珠猶還

自海漁陽枝不附于桑兩城兼屬惟廉水百務咸  
釐只肅霜獨愧庸儒門久杜漫將巴句頌循良

曹錫鉞

公瑾寧云百里才 李遠 匡時偶與際雲雷 方干 恩

波浩渺從河潤 李景 功業崔嵬接上台 顧况 江國

歌傳來暮也 杜寬 薰風愜解奏康哉 熊偉 鶴糧減

盡無他事 萬楚 花滿春城費有培 韋莊

薛彬

遙仰廉明迴軼倫冰心清映大江濱金甌擬卜臺

官重銅虎先占吏治新訟簡一庭花影靜政寬四

野麥岐勻濂溪家學由來遠輿頌紛紛達 紫

宸

錢世濟

自公蒞任播淡仁狼五山前景一新德起倦禽

思振羽恩甦涸鮒欲騰鱗悠然廳事心如水藹爾

襟期氣若春當代若修循吏傳龔黃伯仲此其人

戴登庸

江城瑞靄映山阿豈弟由來氣自和  
雨過有田皆黍稷月明無戶不絃歌  
澤流泮水人文蔚化洽春郊樂事多  
誰道海濱天鑒遠褒綸指日沛恩波

王雙鳳

十里芙蓉濯露盤 師門此日集衣冠  
降神崧嶽人咸喜受業河汾我倍歡  
春酒釀添桑落進雲謠

譜入夔餘彈年年長向秋天望南極  
星明世治安

方震

南國巖疆首五狼使君治績著循良  
乘時正值多方靖佈澤能令百彙昌  
更許鄰封沾救恤還因親炙近輝光  
躋堂敢效邠人頌壽域弘開化日長

黃之文

何幸淮南有二天沾濡十載不殊前  
心銘北闕無欺字口飲崇川不滓泉  
冬日春風衆父父山高

水遠頌年年從來司牧誰如此那數飛鳧葉令僊

又

陽和久已布江濱寒谷尤沾有脚春坐向冰壺神  
自雋談霏玉屑味如醇愧非黃憲汪汪度幸對周  
公几几身章甫賡歌猶未已琴臺化雨望重新

馬一韓

紫琅地瘠歎民貧撫字忻逢太守仁兩袖清風揚  
宇下十年甘雨澍江濱民歌愷悌懷君子士被薰

陶仰哲人竚見璽書來慰勉淮南臥治望重新

張利仁

狼五晴看萬柳垂載途爭誦愛民辭熊軒草綠風  
光好鈴閣花深日影遲唐室題屏高牧伯漢家露  
冕晉台揆喜看卓異推京秩世美爲霖萬物滋

又

京兆循良代有傳我公接踵更能賢滿城桃李  
沾時雨遍野桑麻起暮烟東海農家勤犢佩南陽

官署看魚懸鰕生甕牖欣培植惟恐徵書下日邊

姜駿聲

福星一路久無蹤報最遙傳屬五峰撫字已經誇  
名杜循良更自勝黃龔羣黎徧德惟耕鑿多士懷  
恩日景從莫道謳歌止崇邑甘棠庇蔭及鄰封

戴縉

紫琅螺黛染峰嵐績報循良重斗南取士每蒙期  
得五恤刑惟日宥加三春風勸稼花光暖夜月彈

琴鶴夢酣珍重遠猶今發軔超遷不次有丹函

又

恩浚雨露忝門墻冰鑑高懸得近光初度荷風醺  
醪酒遠歸蒲水木蘭航稱觥頌禱情無盡鼓櫂逢  
迎喜欲狂願借天孫機上錦千秋疊製我公裳

邵幹

膏雨桑麻遍地陰春風桃李復成林得安耕鑿恩  
偏大相賞塵埃感更深戶俎悃忱歌萬壽御



屏姓字聳千尋稱觥欲表區區意惟指南山託素  
心

五言排律

周在亶

江淮賢刺史屈指首推公間氣鍾天嶽聲華震沛  
豐一麾形利器十載報成功催撫才兼擅寬嚴政  
合中持衡心似水秉道氣如虹名教干城倚倫常  
士庶宗字人依召父化俗仰文翁銀漢雲初巧金

盤露不空躋堂將進酒拜手競呼嵩猥以駑駘質  
行經剪拂工私心惟自感大造本無窮涸鮒添時  
雨寒花借惠風銘恩無處所向日指丹衷

李 雍

氣得山川秀鍾靈降甫申弘才光黼黻積學貫天  
人遼海簪纓舊清時雨露新朝宗瞻勝地盤錯試  
能臣榮戟來江滸幟帷到海濱盛名曾破柱大節  
復貞筠飲水風期峻鞭蒲撫字勤循良三報最先

後迴無倫憶昔萍踪合叨爲幕府賓自慚真溲渤  
何幸被陶鈞倒屣容親炙登龍快飲醇感恩同櫪  
馬歸計迫消萼縱隔長淮水猶披幽谷春侯門雲  
正紫望宇月重輪匝席羹如玉充庖脯是麟懸知  
翹首處慰勉受

溫綸

程瑞初

五山連海上快覩福星來蒞政十年久敷恩百里  
該覺宮增氣色華戶育英才平糶窮黎感穿渠水

利開賑施稱樂國差革擴春臺詐僞羣奸熄刁頑  
妄念灰調和惟禮讓撫字更栽培愛士飯三吐居  
官水一杯謳歌碑在口遐邇頌如雷白嶽欣蒙庇  
冰壺獲坐陪追隨諸父老醇酒醉新醅

崔揚

福曜照江東十年荷化工虞絃能佐理歐鑑欲歌  
風月令披謨典差徭剔弊叢桑麻沾雨澤粥米沛  
春融虔禱精難昧災氛禱悉空穿渠追鄭國平糶

邁朱公詐逐市廛外風歸古道中  
埒田文屢請儉德益無窮  
廣漢奸頑戢文翁禮教隆  
區區慚報稱擗管頌神功

袁杏

名世聲原重循良績更隆  
下車嚴社鼠入境恤哀鴻  
操擬貞儒潔才齊牧伯雄  
與仁看建鐸講學聽歌風  
折獄沉寃雪投金暮夜空  
蒼生登席上白骨起溝中  
已奏鳴琴理還虛下士衷  
品題心汲汲桃

李氣融融立雪瞻汪度登堂仰岱宗  
名堪追名父化豈亞文翁指日  
褒章近超遷簡帝聰

王名臣

十載循良績江城賴郡侯  
簪纓徵望重盤錯見才優  
品概琅峰峻恩波渤海流  
薰風被玉軫霖雨遍青疇  
共仰廉泉飲咸忻樂國遊  
催科全撫字桑土豫綢繆  
建學文風起均差弊竇搜  
始和宣聖諭俶載與民謀  
粥果流亾腹醫舒疾疫眸  
冰壺人

在鏡月嶼鶴鳴秋  
芙蓉舍棠陰合湘簾琴韻幽  
叨承何以祝世世卜金甌

曹應聯

頌美高千古謳思屬大賢  
由來鸞鳥貴肯受繭絲  
牽氣節冰霜凜功名竹帛鐫我  
公經濟遠家學本源傳  
飲水崇川上栽花泮壁前  
橋門今奕奕士習正翩翩  
膏雨滋嘉穀農人願力田  
寬徭除宿弊振鐸奏新編  
懸鏡何明甚含沙盡斂焉  
救災糜日

賑消疫藥常煎市僧交相儆  
刁頑善自遷與民安質朴儉  
用惜金錢德化難枚舉民瘼  
獨仔肩凋殘百五里子惠十  
餘年杜母瞻依久堯慈撫字  
全載歌慚鄙俚竊附采風篇

王擢亮

百里彈丸地維持藉偉人  
狼峰開疊嶂雉堞設重圍  
江海形環抱魚鹽業苦辛  
福星驚忽降征蓋喜相親  
日迥宮墻煥雲標殿閣新  
追呼村不擾撫字

法能均先覺提撕切鄉愚感悟真栽培桃李盛耕  
稼野田昫賑粥甦嗷鴈衣襦起結鶉科條氓守樸  
藥局病回春習變樗蒲舊風移少長淳萑苻潛遁  
跡犴狴久封塵照膽如臨鏡披光勝飲醇市廛平  
糴糴商旅荷陶甄虔禱甘霖沛陰驅麥雉馴四知  
嚴暮夜三異冠羣倫政肅琴堂靜恩流蔀屋頻十  
年懷厚德萬姓樂同仁保赤輿情頌歌詩

聖朝多獎擢早已達

楓宸



